

sy nit gar noch einander den teilen di-  
ses gebets glich stand. so sind sy doch  
in inen begriffen. ¶ **Z**u dem wierden  
von wegen der siben tag in der woc-  
hen/dan wie wol diß gebet alweg zu  
einer ytlicher zit. vñ in sunderheit wā  
es dem bitter geuellig ist mag gespro-  
chen werden. **O**b aber es zu einē mal  
gar zu sprechē verdrossen. oder zit vñ  
müß nit verhanden wer/so mag doch  
dises gebet in sunderheit noch sinen si-  
ben teilē. den siben tagē in der wochē  
wie dan geuellig ist zu geordnet vnd  
gefügt werden/ da mit dz nit gar ver-  
schwigen blyb die gedechtnus der er-  
wirdigen magt **M**arie. **A**lweg den  
ersten teil an dem mentag an zūfahen  
da mit das der fünfft teil der da saget  
von dem lyden gotz an dem fritag ge-  
sprochen werd. **U**ber gelichen zimlic